

Enformaziuns y Comunicaziuns

Grup Franz Xaver: Tla ultima plata ái scrit adenfal che la Uniun de San Vinzenz á coü adöm spënores a fin de bën. Al é le Grup Franz Xaver co á podü mené ennant la soma de 650,00€, a uniuns co dëida chi co á debojügn. I mo scusi por le fal.

Les Staziuns: Sën tal tomp de Carsëma orunse endô medité deboriada ince Les Staziuns. Ares vën dites te dljia vigne domëgna (da encö ennant), dedemesaledema y vëndres, dagnora ales 18:00. Düc canc sun bel enviës.

Comun de Mareo: Al vën lascé alessëi che le zënter de reziclaje sará cina ala fin de forá ma davert le vëndres dales 15:00 ales 19:30. Al vën ince recordé che canche an vën fora d'auto, mësson se mëter sö le mascherot.

Olá cialfunse pa Chël Bel Dio?



Ciarun mo a Gejú da Nazaret, le Crist co s'á fat porsona, é gnü motü söla crusc y é ressorí! Ciarun ales trepes porsones tla Bibia y ince te nosta lungia storia de fede co ne perd nia Chël Bel Dio tla meseria. Recordun porsones che nos án conesciü o conesciun, a chëres che la fede te Chël Bel Dio ti á dé y ti dá sostën, orientamont y speranza. Chiriun en raport vi y sonzier con Chël Bel Dio; ti portun dant nostes esperionzes de soferonza, ince nosc baodié y bronteré!

Dandadöt i salms, les 150 ciances de oraziun tal Vedl Testamont, nes lascia sontí desco porsones cherdontes rengraziëia Chël Bel Dio, le lalda, cianta y ti sona dant, le präia, mo le acüsa ince, deache al scuta y pö dalunc y deache al é döt atramonter de co ch'an mina. Trec salms é na scora de oraziun tla meseria che i sontiun daete y defora. Ensciö podunse ince nos crësce t'en raport vi con Chël Bel Dio: canche i se recordun de Èl, canche i baiun de Èl, canche i cuntun sön Èl, canche i metun nostes esperionzes en relaziun con Èl, canche i le chiriun y le cherdun – con d'atres parores, canche i periun. Coltivun le raport con Chël Bel Dio tla oraziun personala, a ciasa, te familia. Chiriun le raport con Èl tla Parora de Dio y tla zelebrazion deboriada dl'Eucaristia. S'abiné por l'Eucaristia é dal tomp dai apostui encá en sëgno essenzial de identité cristiana. „Dlijia” ô dí: comunité, co vën cherdada adöm y co s'abina encër so Signur.

Al é ciamó en n'atra poscibilité, dër emportanta, por romagner en contat con Chël Bel Dio. I chersciun ete t'en raport vi con Èl canche i ti lasciun sontí a d'atres porsones che i ti sun dlungia y ares sá ensciö che ares n'é nia lasciades sores. Olache d'atres porsones pó sontí che Chël Bel Dio ti é dlungia con söa forza tres nos y nostes aziuns d'amur, danló é Chël Bel Dio presënt ince por nos.

Fora dla lëtra pastorala dal Vësko Ivo Muser por la Carsëma

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sëra - da mené a: Pablo Palfrader
Tel. **333 4762010** Mail: ploaniaalplan@gmail.com
Download plata: www.unitepastorala.org



Plata dla Ploania Al Plan de Mareo San Vigile

Ploan: Signor Klaus Sottsas
E-Mail: klsottsas@rolmail.net

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA

www.unitepastorala.org

Ann B

21.02.2021 - Pröma Domëgna de Carsëma

nr. 13

Le tomp é complí, le règn de Dio é dampró. Convertisse, y cherededi al vagnele!

Dal Vagnele do San Merch 1, 40 - 45

Te chël tomp ¹²á le Spirit condüt Gejú tal desert. ¹³Danló é Gejú resté caranta dis alalungia y é gnü tonté dal malan. Al viea pai tiers salvari, y i agni le sorvia. ¹⁴Do ch'an á sciuré Jan te porjun, é Gejú endô jü tla Galilea; al encündá le vagnele de Dio ¹⁵y dijea: Le tomp é complí, le règn de Dio é dampró. Convertisse, y cherededi al vagnele!



Parora dal Signur! - Lalt a te, Gejú Crist!

Fora por alc y basc dla vita



Ci á mo Gejú passé tal desert? L'evangelist Merch pretënn ma gnanca da le sëi. Te söa chirida do le tru, pól ester che cösta porsona bela sora si passada fora por de gran alc y basc. Magari ál odü en ater monn, olache porsona y tier vir en armonia. Al á odü le cí söla tera, canche i agni é gnüs a le sorví. Co ciaràra mo fora concretamonter? Al é anfat. Vigne porsona fej söes „esperionzes tal desert”. Vignöna y vignönn röa pa söes tontaziuns co fej tan la gola y é empó falades. Düc conesciun la ligrëza da podëi cuché ete t'en monn de ligrëza y da encunté en agno. Canche al sozeda cösc sánse: Le règn de Dio é dampró. Al paia la mëia da ti cunté de cösc ai atrí y ti fá coraje. La discreziun dal evangelist Merch nes enviëia da se recordé a nostes „esperionzes tal desert”, ai alc y basc de nosta vita, te chi che i án empó sontí che Chël Bel Dio ea pa nos. La Bona Noela cialfunse val' iade ince te püces parores.

Christina Brunner

Oraziun dal dé



Periun!

Dio onipotënt, tö nes scinches cösta santa Carsëma desco tomp de conversciun y penitonza: lascesse, con la zelebrazion de cösc tomp sant, jí plü sot tla conescionza de Gejú Crist y desmostré con na vita de fede la forza de söa redenziun. Por nosc Signur Gejú Crist, to Fi, co é Dio y vir y regnëia con te tla unité dal Spirit Sant, por düc i secui dai secui. **Amen.**

Edema liturgica dai 21.02. ai 28.02.2021			
DOM 21.	Pröma domëgna de Carsëma domëgna dla dlijia te ciasa <i>i recordun y tomés y pordüs te vera</i>	<i>Pire Damiani, German</i>	
08:30	S.M. a La Pli		
10:00	Gran Mëssa por döta la ploania dal ann por +nta Ida Pisching de Candido +nt Franz Kanetscheider - +nt Albert Piazza +nt Karl Trebo dal Pêsta	<i>oferta por la ploania</i>	LAD
18:00	Les Staziuns		
Lön 22.	fešta dla Catedra de San Pire, Diego, Isabella, Margareta da Cortona		
18:00	S.M. por +nc' Iaco, Elisabeth y Loise Erlacher, Corcela +nta Maria Trebo de Pire		DEU
Ded 23.	<i>Policarp, Otto, Romana</i>		
19:30	Corona		
Dem 24.	fešta de San Matia apostul, Ida		
18:00	Les Staziuns		
Jöb 25.	<i>Walburga, Adeltrud</i>		
	Vijita personala te dlijia y cortina		
Ven 26.	<i>Ulrich, Metilde, Ottokar y Adalbert</i>		
07:30	S.M. +nc' Maria y Franz Comploi de Clara		LAD
18:00	Les Staziuns		
Sab 27.	<i>Marchward, Iulian</i>		
17:30	Corona		
18:00	S.M. prefestia +nc' Rudolf, Maria y Franz Hofer +nt Matthias Resch		DEU
DOM 28.	Secunda domëgna de Carsëma <i>S.M. a La Pli</i>	<i>Roman, Silvana, Oswald, Antonia</i>	
08:30	S.M. a La Pli		
10:00	Gran Mëssa por döta la ploania dal ann por +nt Isidor Rindler +nt Edi Pizzinini	<i>oferta por la ploania</i>	LAD
18:00	Les Staziuns		

Domëgna dla dlijia te ciasa



Encö, pröma domëgna de Carsëma, recordunse ince la domëgna dla dlijia te ciasa, y ensciö l'empörtanza da coltivé l'oraziun a ciasa: personala o te familia, Ince nosta Diozeja pïta de vigne sort de impulsch por l'oraziun a ciasa: por talian sön www.bz-bx.net/it/pegareacasa, por todësch sön www.bz-bx.net/de/zuhause.

Tles proscimes edemes sarál a desposiziun de vigne sort de impulsch por le tomp de Carsëma y de Pasca. I sun duc bel enviés da ciaré etc.

Ester porsones de speranza

La speranza tal Règn de Dio co vëgn

I amisc de Gejú sâ de ci che Èl baiã, canche al ensegnâ da perié: "Nosc Pere al Ci, to Règn vëgnes, töa orenté sides fata, desco al Ci ensciö söla tera."

L'imaginaziun dal Règn dal Ci, dal Règn de Dio, ea belo dio. Ensciö áldun fora tles supliches dal paternoster les gran empormetüdes dal Règn de Dio, de chèl che i profec cuntâ.

"Chiride empröma le Règn de Dio, y döt le rest ves gnará dé lapró." dij Gejú. Gejú nes encünda la speranza, che tal Règn de Dio sarál iustizia y dërc por döta la jont;

nia le dërt dal plö sterch, nia egoism y engordia, nia la forza dla mort.

Ci che ará potesté é tal lingaz ebraich "Shalom":

Pesc por dötes les porsones y por döta la creaziun.

Le Vagnele nes fej coraje: coraje da speré y agí, coraje por de gran speranzas y por de pici vari da odëi. (P. Junmar Maestrado SVD)

Da ponsé do:

lu á

I n'á nia d'ater co la cöna dal tomp

por arjigné ca degnamonter söa gnöda.

I n'á nia d'ater co mi ödli

por odëi te to müs

la imaja de Dio.

I n'á nia d'ater co mia bocia

por encündé al monn töa Parora.

I n'á nia d'ater co mi brac

por costruí con peres groies

de por de le Règn de Dio.

I n'á nia d'ater co l'arjila de mia cern

por bëre le Spirit Sant.

I n'á nia d'ater co mi vari

por ti jí adencuntra

- te na speranza costanta

- ala encontada indefinida con Dio.

(Pedro Casaldáliga)

Zuspruch

AM SONNTAG

Erster Fastensonntag B

Seit Jesus in diese Welt gekommen ist, ist der große Vorabend des Reiches Gottes angebrochen über einer tagmüden und nachtdunklen Zeit.

Hanna Hümmel

Im Innersten des Herzens ist Gott,
aber das Herz ist von ihm abgeirrt.
Kehrt zurück in euer Herz,
ihr Abtrünnigen,
und hängt dem an,
der euch erschaffen hat.

Aurelius Augustinus

Die Fastenzeit ist die Zeit zum Kurswechsel,
um gegen das Böse und das Elend anzugehen.

Papst Franziskus

Sorvisc dai Ministronc

Lönesc 22/02 (18:00h), Vendres 26/02 (07:30h): Diana, Madalena y Matthias Deval;

Sabeda 27/02 (18:00h): Anna y Luca Clara;

Domëgna 28/02 (10:00h): Matthias y Roman Kaneider

